

Cadrigàtt....Cadrighèe

El girava in biciclèta, cunt al necesari, per riparà i sedi impajadi, piala, martèl, ciot, sega e paja, cunt tanta pasiensa per sto mistèe, alura i sedi eran fa tocc a maa, e per la sua usura, bisugnava ogni tant faj pasà in di màa del cadrigàtt.....girava in di curtil cunt tocc i so atrèss, al cumenciava intrechià la paja per la ripristinasion, Setagiò so un sgabel, e cun la pasiensa in sacocia, la faseva riturnà anca mo cumè nova, vidèl a laurà, l' era un piassè de tot i gent, el cicciarava, ma i so màa eran no fermi, fina a quant l' era finì l' impajadura.

“ Safurmentu, Maria, cusa te ghet fa a sto sedil? Cerca de staga atenta, dimenticavi, al to culon ala sfunda anca i pultron “
“ Cadegràtt dela malura, vilanson e maleducà, una quej scuresa lè scapada certament, ma per al rèst, l' è Lisander che sfonda tot “

Questu l' era al servisi del dopu guera, cunt al cadregàtt ch' el girava a sistemà l' impajadura de tocc i cardech ch' el truava, al sa truava in di mercà, in quej post impusibil, al girava in di casen, cunt al firlich e firloch de biciclèta, al purtava anca sedi per vent.

Al so negosi l' era quel di pedaj, cunt la grenta de rivà due ch' el vuriva, cul capèl soj vintitri e i barbiss a luna piena....specialisà cumè un tasista de campagna....

Trop cardech de giustà in un olter post, al se po vest in di paess, al se po vest in di casen, l' è sparii cunt tocc i so arness....magari un fantasma l' è diventà ch' el gira a mò atornu a tocc, cunt in spala i so cardech.

19-10-2017